



SLUŽBENE NOVINE

KANTONA SARAJEVO

Godina XIV – Broj 31

Četvrtak, 12. novembra 2009. godine
SARAJEVO

ISSN 1512-7052

KANTON SARAJEVO

Vlada Kantona

Na osnovu čl. 22. i 28. Zakona o budžetima u Federaciji Bosne i Hercegovine ("Službene novine Federacije BiH", broj 19/06), a u vezi s članom 9. Zakona o izvršavanju Budžeta Kantona Sarajevo za 2009. godinu ("Službene novine Kantona Sarajevo", broj 10/09) i čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na 32. sjednici održanoj 10. novembra 2009. godine,

ODLUKU

O OBUSTAVLJANJU IZVRŠAVANJA POJEDINIH RASHODA I IZDATAKA U BUDŽETU KANTONA SARAJEVO ZA 2009. GODINU

I.

U cilju održavanja likvidnosti Budžeta Kantona Sarajevo za 2009. godinu (u daljnjem tekstu: Budžet) obustavlja se izvršavanje svih tekućih i kapitalnih grantova planiranih u Budžetu, osim zakonskih obaveza po ovom osnovu, do donošenja izmjena i dopuna Budžeta Kantona Sarajevo za 2009. godinu, a najduže 45 dana od dana donošenja ove Odluke.

II.

Vlada će zaustaviti preuzimanje obaveza i predložiti produženje ugovorenih rokova plaćanja.

III.

Operativne planove izvršavanja Budžeta za IV kvartal tekuće godine budžetski korisnici će sačinjavati u skladu s planom novčanih tokova u posljednjem tromjesečju tekuće godine.

IV.

Vlada će o ovoj Odluci obavijestiti Skupštinu Kantona Sarajevo odmah nakon donošenja iste.

V.

Za realizaciju ove Odluke zadužuju se Ministarstvo finansija i svi budžetski korisnici, svako u okviru svoje nadležnosti.

VI.

Ova Odluka stupa na snagu danom donošenja a objavit će se u "Službenim novinama Kantona Sarajevo".

Broj 02-05-26936-15/09
10. novembra 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 30. sjednici održanoj 5. novembra 2009. godine, donijela je

ODLUKU

O INTERNET I INTRANET PORTALU KANTONA SARAJEVO

I.

Ovom Odlukom se utvrđuje sadržaj i način ažuriranja sadržaja internet i intranet stranica portala Kantona u cilju pravovremene i tačne objave informacija i drugog sadržaja putem unosa informacija bliže izvoru informacije.

II.

Za ažuriranje sadržaja internet i intranet portala Kantona postoje korisnici u tri nivoa, i to:

- administratori na nivou Kantona,
- korisnici u okviru stranica kantonalnih organa uprave, stručnih službi i upravnih organizacija, te Skupštine,
- korisnici u okviru pojedinih dijelova stranice (npr. sektora ili službi).

III.

Administratorski nivo na nivou Kantona ima sva prava u okviru portala što podrazumijeva:

- kreiranje novih stranica za kantonalne organe uprave, stručne službe i upravne organizacije, odnosno njihove organizacione dijelove,
- kreiranje korisničkih računata i određivanje prava unosa za iste po nalogu rukovodioca organa,
- kreiranje svih vrsta sadržaja na cjelokupnoj stranici Vlade i Skupštine, te intraneta.

Na ovom nivou postoje korisnički računi za ovlaštene državne službenike i namještenike (u daljnjem tekstu: zaposlenici) Zavoda za informatiku i statistiku Kantona Sarajevo (u daljnjem tekstu: Zavod).

IV.

Korisnici u okviru stranica kantonalnih organa uprave, stručnih službi i upravnih organizacija, te Skupštine, imaju prava promjene sadržaja na vlastitim stranicama što podrazumijeva sljedeće:

- kreiranje sadržaja na nivou svoje cjelokupne stranice, kao i za njene podstranice,

- brisanje sadržaja svoje cjelokupne stranice, uključujući podstranice,
- uređivanje sadržaja svoje cjelokupne stranice i sadržaja podstranica.

Vrste sadržaja koji se može ažurirati na ovom nivou:

- novosti iz ministarstava,
- obavještenja,
- javne rasprave,
- konkursi,
- projekti,
- nabavke,
- publikacije i bilteni,
- zahtjevi i obrasci,
- propisi,
- često postavljana pitanja,
- posebni sadržaj.

Lista vrste sadržaja nije konačna. Svaki organ može podnijeti zahtjev za omogućavanje unosa sadržaja specifičnog za njegov rad.

Posebno, pristup unosu na stranice Vlade imaju korisnici iz Press službe koja unosi informacije u vezi sa radom Vlade:

- novosti iz Vlade,
- najave događaja,
- obavještenja,
- ankete,
- intervjui,
- izvod iz štampe,
- izjave.

Pristup unosu na stranicu Skupštine imaju korisnici iz Stručne služba za skupštinske poslove koja unosi, briše i uređuje sljedeće informacije u vezi sa radom Skupštine:

- najave sjednica sa dnevnim redom i materijalima,
- zapisnik i zaključci sa sjednica.

Posebno, pristup unosu na stranicu Skupštine imaju i korisnici iz Press službe koja unosi, briše i uređuje sljedeće informacije u vezi sa radom Skupštine:

- novosti,
- najave događaja.

V.

Korisnici u okviru pojedinih dijelova stranice imaju prava na podstranicama npr. stranicama sektora ili službi, što podrazumijeva sljedeće:

- kreiranje sadržaja na nivou podstranica,
- brisanje vlastitog sadržaja,
- uređivanje vlastitog sadržaja.

Vrste sadržaja koji se mogu ažurirati na ovom nivou su iste kao iz tačke IV.

Na osnovu odluke rukovodioca organa, koju donosi po potrebi, može postojati po jedan ovakav račun za ovlaštenu osobu u organu za pojedine podstranice, npr. sektore ili službe.

Posebno, pristup unosu na podstranicu Vlade ima korisnik Stručna služba Vlade Kantona koja unosi i ažurira:

- zaključke sa sjednica Vlade.

VI.

Korisnici će po potrebi ažurirati intranet stranicu sa internim informacijama prema zaposlenicima.

Posebno, pored Zavoda pristup unosu imaju:
Stručna služba Vlade Kantona,
Stručna služba za zajedničke poslove,
Ured za kvalitet.

VII.

Rukovodioci organa će odrediti najmanje jednu ovlaštenu osobu u organu za ažuriranje u okviru stranica kantonalnih organa uprave, stručnih službi i upravnih organizacija, odnosno Skupštine, kojoj će Zavod za informatiku i statistiku Kantona Sarajevo dodijeliti korisnički račun sa potrebnim pravima.

Rukovodioci organa će po potrebi odrediti dodatne ovlaštene osobe za ažuriranje u okviru pojedinih dijelova stranice (npr. sektora ili službi) i intraneta.

VIII.

Rukovodioci organa će u cilju poboljšanja ažurnosti osigurati direktni unos informacija od strane vlasnika ili aktera informacije gdje god je to moguće.

IX.

Zadužuje se Zavod za informatiku i statistiku Kantona Sarajevo da izvrši obuku korisnika sistema za upravljanjem sadržajem internet i intranet stranica, da prati njihov rad i pruža podršku po potrebi.

X.

Korisnici sistema će slijediti uputstva Zavoda za informatiku i statistiku Kantona Sarajevo u vezi sa prilagodbom postavljenog sadržaja u cilju konzistentnog vizuelnog prikaza i optimizacije materijala za preuzimanje.

Posebno će se voditi računa o postavljanju izvornog, pretraživog, sadržaja.

Postavljeni sadržaj se neće brisati, nego će činiti arhivu objavljenog sadržaja dostupnu putem pretrage.

XI.

Ova Odluka stupa na snagu 30 dana od dana usvajanja, a objavit će se u "Službenim novinama Kantona Sarajevo", na zvaničnoj internet stranici i na oglasnoj tabli Kantona.

Broj 02-05-25465-9.2/09
5. novembra 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 30. sjednici održanoj 5. novembra 2009. godine, donijela je

ODLUKU

O SOFTVERU U KANTONU SARAJEVO

Uvod

I.

(Sadržaj)

Ovom odlukom uređuje se odabir i primjena informacionih i komunikacionih tehnologija (u daljnjem tekstu: IKT) u oblasti računarskih programskih rješenja od strane kantonalnih organa uprave i stručnih službi, te kantonalnih upravnih organizacija Kantona Sarajevo (u daljnjem tekstu: kantonalni organi).

II.

(Korištenje IKT)

Vlada Kantona Sarajevo (u daljnjem tekstu: Vlada) podstiče državne službenike i namještenike (u daljnjem tekstu: zaposlenike) kantonalnih organa na upotrebu računarskih programa za prikupljanje, obradu i korištenje podataka u obavljanju svakodnevnih poslova, razmjeni informacija korisnih za posao te procesu donošenja odluka.

Opredjeljenja

III.

(Elektronska obrada podataka)

Kantonalni organi će se pri obradi podataka oslanjati na upotrebu IKT i računarskih programskih rješenja, posebno elektronskih zapisa i elektronske kolaboracije, te razmjenjivati podatke putem elektronskih dokumenata.

Pri tome će slijediti princip korištenja postojećih podataka u cilju smanjenja višestrukih unosa i mogućih grešaka, vodeći računa o vlasniku podataka i zaštiti podataka.